

# Куч-адолатда

Адл ила олам юзин обод қил!

2023 йил  
10 февраль,  
жума  
№ 6 (936)

Ўзбекистон Республикаси Олий судининг ҳуқуқий газетаси

● <http://www.kuch-adolatda.sud.uz>

● 1998 йил 29 августдан чиқа бошлаган.

## ШАВКАТ МИРЗИЁЕВ ТУРК ҚАРДОШЛАРИМИЗГА ЯНА БИР БОР ҲАМДАРДЛИК БИЛДИРДИ

**Президент Шавкат Мирзиёев 9 февраль куни Туркия Республикасининг Ўзбекистондаги элчихонасига борди.**

Маълумки, 6 февраль куни Туркиянинг жануби-шарқий ҳудудларида юз берган кучли зилзилалар вайронкорлиги билан бутун дунёни ларзага солди. Ўзбек

халқи ҳам офат оқибатларини қалбига яқин олиб, чуқур қайғу ва ҳамдардлик ҳиссини туйди.

Давлатимиз раҳбари ўша куниёқ қардош Туркия халқига ва Президент Режеп Таййип Эрдоғанга ҳамдардлик билдирган эди. Зилзила оқибатларини бартараф этишда кўмаклашиш учун

мамлакатимиздан бир неча гуруҳ кутқарувчилар Туркияга юборилди. Шунингдек, гуманитар ёрдам юклари мунтазам жўнатиб турилибди.

Президентимиз бугун Туркия Республикасининг Ўзбекистондаги элчихонасига бориб, қардошларимизга яна бир бор ҳамдардлик билдирди. Парвардигордан

марҳумларни ўз раҳматиغا олишини, уларнинг оиласи ва яқинларига сабр-тоқат ва бардамлик беришини сўради. Жароҳат олган инсонлар тез фурсатларда соғайиб кетишини тилади.

Ўзбек ва турк халқлари яхшию ёмон кунларда ҳаммаша бирга бўлган, бир-бирини қўллаб-қувватлаган. Бу

дўстлик, қардошлик ва ўзаро елкадошлик ҳозиргидай оғир кунларда янада билинади.

Давлатимиз раҳбари Ўзбекистон барча зарур ёрдамга тайёрлигини билдирди. Элчихонада очилган ҳамдардлик китобига тасалли сўзларни ёзиб қолдирди.

ЎЗА

### Эксклюзив интервью

## Судьянинг онгида адолат, тилида ҳақиқат, дилида поклик ҳукмрон бўлиши керак

**Мамлакатимизда қонун устуворлигини таъминлаш ва суд-ҳуқуқ тизимини янада ислоҳ қилиш устувор йўналиш сифатида белгиланиб, ўтган давр мобайнида бу борада кенг қўламли ишлар амалга оширилди. Зеро, давлат ва жамиятни тубдан модернизациялаш, аввало, фуқароларнинг ҳуқуқ ҳамда эркинликларини ишончли ҳимоя қилиш, суд мустақиллигини таъминлаш, одил судловга эришишда муҳим ўрин тутди.**

**Ҳўш, бугунги кунда судни том маънода “адолат қўрғони”га айлантириш йўлида қандай босқичлардан ўтилди ва келгусида яна нималарни амалга ошириш лозим?**

**Мухбиримиз шу ва соҳага оид бошқа янгиликлар, эришилган ютуқлар ва истиқболдаги устувор вазифалар ҳусусида Ўзбекистон Республикаси Олий суди раиси Бахтиёр ИСЛОМОВ билан суҳбатлашди.**

— **Бахтиёр Жаҳонгирович, Олий суд раиси лавозимида иш бошлаганингизга ҳали кўп вақт бўлмади ва бу масъулиятли вазифа Сизга ишониб топширилди. Айтинг-чи, бугунги кунда суд тизимига халқнинг ишонч даражасини ошириш учун қандай ишлар амалга оширилмоқда?**

— Янги Ўзбекистон ислохотларининг илк даврлариданоқ Президентимиз Шавкат Мирзиёев судлар олдида турган асосий мақсадлардан бирини аниқлаб берди. Яъни бунда судни том маънода “адолат қўрғони”га айлантириш, фуқароларнинг ҳуқуқ ва эркинликларини ҳимоя қилиш орқали халқимизнинг суд тизимига бўлган ишончини қатъий мустаҳкамлаш зарурлиги таъкидлаб ўтилди.

Биласизми, фуқароларимизнинг судга бўлган ишончини оширишда, аввало, судьялар мустақиллиги, улар томонидан қабул қилинаётган қарорларнинг қонунийлиги, асослилиги ва адолатлилиги, суднинг очиқлиги ва шаффофлиги, судьянинг холислиги ва бегаразлигига шубҳа туғдирувчи омиллар мавжуд бўлмаслиги лозим. Акс ҳолда инсонда судга бўлган ишонч йўқолади.

Фуқароларимиз судни — одамларни қоралайдиган, жазолайдиган орган, деб эмас, аксинча, уларнинг ҳуқуқлари ва қонуний манфаатларини ишончли ҳимоя қиладиган орган, ўзларининг ҳимоячиси, адолат посбон



ни, деб қарашига эришимиз зарур.

Аҳолининг судларга бўлган ишончини ошириш йўлида суд-ҳуқуқ ислохотлари жадаллик билан амалга оширилмоқда. Ҳозирги кунда фуқаролар ва тадбиркорлик субъектларига одил судловдан фойдаланиш имкониятлари янада кенгайтирилмоқда.

Олий суднинг расмий веб-сайтида интерактив хизматлар портали ишга туширилган бўлиб, унда судларга электрон мурожаат йўллаш, суд ҳужжатларининг намуналаридан фойдаланиш, давлат божини автоматик тарзда ҳисоблаш, суд харажатларини электрон тўлаш, суд мажлисларида видеоконференцалоқа тизимидан фойдаланган ҳолда масофадан ту-

риб иштирок этиш ва шу каби бошқа кўплаб имкониятлар йўлга қўйилган.

Суд органларининг очиқлиги ва шаффофлигини таъминлаш учун ўтказиладиган суд мажлислари жадвали билан танишиш, суд қарорлари, судлар фаолиятига доир ҳисоботлар, ахборотлар, очиқ маълумотларни расмий веб-сайт орқали олиш, судда ишларнинг қўрилиш ҳолатини онлайн кузатиб бориш имкониятлари яратилган.

Жамоатчиликни суднинг фаолияти тўғрисида оммавий ахборот воситалари орқали брифинглар, учрашувлар, чиқишлар тарзида хабардор қилиш амалиёти йўлга қўйилган. Очиқ суд мажлисларида кенг жамоатчилик

ва оммавий ахборот воситалари вакилларининг судларда иштирок этиш ҳуқуқи амалда. Шунингдек, тегишли халқ депутатлари Кенгашларига суднинг фаолияти тўғрисида йилига камида бир мартаба ахборот бериш тартиби жорий этилган. Буларнинг ҳаммаси халқнинг суд тизимига бўлган ишонч даражасини оширишга қаратилган бўлиб, бунда судлар қонунга қатъий риоя қилиб, ҳар бир шахснинг манфаатларини муҳофаза этиш, уларнинг бузилган ҳуқуқларини тиклаш ва шу асосда халқнинг ишончини қозониши зарур бўлади.

Биз бу борадаги ислохотларимизни изчиллик билан давом эттириб, фуқароларимизнинг судларга бўлган ишончини оширишга доим ҳаракат қиламиз.

— **Ўтган даврда давлатимиз раҳбари бошчилигида ҳаётимизнинг барча соҳасида изчил ва қамровдор ислохотлар амалга оширилмоқда. Сиз суд тизимидеги янгиликларнинг асл мазмун-моҳияти ва уларнинг устувор жиҳатлари нималарда деб биласиз?**

— Тўғри таъкидлаб ўтдингиз, ўтган қисқа муддат ичида суд-ҳуқуқ тизимини янада такомиллаштириш, фуқаро ва тадбиркорларнинг ҳуқуқ ва қонуний манфаатларини ишончли ҳимоя қилиш чораларини кучайтириш, судлар фаолияти самарадорлигини ошириш, одил судловни таъминлаш бўйича изчил ишлар амалга оширилди.

“Янги Ўзбекистон — янги суд” тамойили доирасида суд-ҳуқуқ ислохотларининг бош мезони сифатида мамлакатимизда адолат ва қонун устуворлигини сўзсиз таъминлаш зарурлиги белгиланди. “Инсон қадрини устун” принципи асосида инсон ҳуқуқлари ҳамда манфаатларини кафолатли таъминлаш Ўзбекистонда амалга оширилаётган саъй-ҳаракатларнинг устувор йўналишларидан бири этиб урғуланган.

(Давоми 2-бетда) ►

**Алишер Навоий таваллудининг 582 йиллигига**

## АЛИШЕР НАВОИЙ – ДАВЛАТШУНОС



**Алишер Навоий – кўпқиррали илҳодкор. У – шоир, носир, адабиётшунос, тилшунос, диншунос, тасаввуфшунос, тарихшунос, давлатшунос, ҳуқуқшунос, руҳшунос, табиатшунос, фалакиётшунос, тиббиётшунос.**

Алишер Навоийнинг давлатшунослигини унинг айнан амир оиласида туғилиб ўсганидан излаш керак. Унинг отаси – Ғиёсиддин Кичкина теурийлар салтанатининг содиқ мулозимларидан бири бўлган. Онаси ҳам теурийлар хонадонига яқин бўлган. Алишер Навоийнинг ўзи бу ҳақда :

**Отам бу остоннинг ҳок беги,**

**Онам ҳам бу саро бўстон канизи, —**

деб ёзган эди. Навоийлар оиласи билан теурийлар хонадони ўртасида илгари замонлардан қўқалдошлик, яъни сут эмишганлик бўлган.


Улуғ шоирнинг онаси амирзода шайх Абу Саид Чангийнинг қизи бўлган. Тоғалари Мир Саид Қобулий, Муҳаммад Али Ғарибий ҳам давлат хизматида фаолият юритган. Мир Саид Қобулий Султон Хусайн Бойқаронинг маслаҳатчиларидан бири бўлган.

(Давоми 4-бетда) ►

### Муносабат

## Янгиланаётган адвокатура:

ҳуқуқий асослар мустаҳкамланмоқда



**Мамлакатимизда адвокатура тизимини такомиллаштиришга қаратилган ислохотлар изчиллик билан амалга оширилмоқда. Хусусан, 2022 йил 3 августда қабул қилинган “Ўзбекистон Республикасининг айрим қонун ҳужжатларида ўзгариш ва қўшимчалар киритиш, шунингдек, айрим қонун ҳужжатларини ўзгариш йўқотган деб топиш тўғрисида”ги қонун асосида йиллар давомида адвокатлар учун қийинчилик туғдириб келган экспертиза ҳулосасини олиш масаласи юзасидан муҳим қоидалар қучга кирди.**

(Давоми 3-бетда) ►

**Қонун устуворлигини таъминлаш, инсон ҳуқуқ ва манфаатларини ишончли ҳимоя қилиш одил судловнинг асосий мезони ҳисобланади.**

Айтиш керакки, одил судловни таъминлаш, адолатни қарор топтириш моҳият-этибори билан одамларнинг суд тизимига бўлган ишончи ва ҳурматини янада оширишга хизмат қилади.

Шу ўринда фикримизни ҳаётини мисоллар асосида давом

### Мезон

## Адолатли жазо

қонун ва судга бўлган ишончини янада оширади

этирадиган бўлса, суднинг адолатли жазо тайинлагани судланувчиларнинг тўғри йўлни топиб олишига имкон яратиб берилади.

Булунғурлик Рамазон Аҳмадулов (исм-шарифлар ўзгаририлган) Жиззах шаҳрига борганида бозорда тасодифан Турсунқул Хўжаниёзов

деган одам билан танишиб қолади. Турсунқул талабгорларни Жанубий Корея давлатига ишга жўнатиш билан шуғулланишини, кўпчиликка бу масалада ёрдами текканлигини айтиб, уни қизиқтириб қўяди.

РАҳмадулов анчадан буён ўгли Алишерни хорижга ишга жўнатиш ниятида юрган эди.



Янги таниши унинг кўнглида умид уйғотди. У Т.Хўжаниёзовдан ўгли билан яна бир қариндошини хорижга ишга

юбориш учун ёрдам беришини илтимос қилади.

(Давоми 3-бетда) ►

### Жиноятга жазо муқаррар

## Диёнатсизлик

нафс бандаларини оғир жиноятга етаклади

**Чортоқ туманида яшовчи Эркин Абдусатторов (исм-фамилиялар ўзгаририлган) ҳозир қирқ ёшга тўлган. Одатда, бу ёшга кирган ҳар бир киши кўпроқ ўсиб-униб келаётган фарзандларининг ўқиши, касб-хунар ўрганиши, умуман айтганда, ҳаётда ўрнини топиши учун саъй-ҳаракат қилади. Аммо Э.Абдусатторов ҳақида бундай деб бўлмади, у айни ёшда учинчи мартаба судланиб, жазо мудатини ўтамоқда...**

(Давоми 3-бетда) ►





